

大智度論

古籍
第五十六

二百十三
形六

48892



元祿九年丙子二月日重脩

皇圖瓊圃 帝階綴呂

佛日增輝 懋輪崇轉

山城州天安寺法金剛院置




大智度論卷第五十六

龍樹菩薩造 姚秦三藏法師鳩摩羅什譯

釋三歎品第三十

尔時諸天王及諸天諸梵王及諸梵天伊闍
那天及神仙并諸天女同時三反稱歎快哉
慧命須菩提所說法皆是佛出世間因緣恩
力演布是教若有菩薩摩訶薩行是般若波
羅蜜不遠離者我輩視是人如佛何以故是
般若波羅蜜中雖無法可得所謂色受想行
識乃至一切種智而有三乘之教所謂聲聞辟支
佛佛乘尔時佛告諸天子如是如是諸天子
如汝所言是般若波羅蜜中雖無法可得而



形

有三乘之教所謂聲聞辟支佛佛乘諸天子
若有菩薩摩訶薩行是般若波羅蜜不遠離
者視是人當如佛以無所得故何以故是般
若波羅蜜中廣說三乘之教所謂聲聞辟支
佛佛乘檀波羅蜜中佛不可得離檀波羅蜜
佛亦不可得乃至般若波羅蜜中佛不可得
形大智度論卷五十六
離般若波羅蜜佛亦不可得內空乃至無法
有法空四念處乃至十八不共法一切種智
亦如是佛語諸天子菩薩摩訶薩若能學是
一切法所謂檀波羅蜜乃至一切種智以是
事故當視是菩薩摩訶薩如佛諸天子我昔
於燃燈佛時華嚴城內四衢道頭見佛聞法

即得不離。擅波羅蜜行不離尸羅。波羅蜜。提波羅蜜。毗梨耶波羅蜜。禪波羅蜜。般若波羅蜜。行不離內空。乃至無法有法空。四念處。乃至八聖道分不離。四禪。四無量心。四無色。定。一切三昧。門一切陀羅尸門不離。四無所畏。佛十力。四無礙智。十八不共法。大慈大悲。及餘無量諸佛法行。亦無所得。是時燃燈佛。記我當來世過一阿僧祇劫。當作佛。號釋迦牟尼多陀阿伽度阿羅訶三藐三佛陀。鞞修遮羅那修伽度路迦憊無上調御天人師。佛世尊。爾時諸天子白佛言。世尊希有。是般若波羅蜜能令諸菩薩摩訶薩得薩婆若。於色不取不

捨故於衆想行識不取不捨故乃至一切種
智不取不捨故釋曰人以歡喜之至則三反
稱嘆是故諸天聞大德須喜提說般若波羅
蜜歡喜言快哉快哉天王者四天處天四王
三十三天王釋提桓因乃至諸梵天王梵天
已上更無有王諸天是欲界天諸梵是色界
形天伊賒那是大自在天王并其眷屬神仙者
大智度論卷第六
有二種或天或人天女者是天帝釋夫人舍
脂等諸天女所以歎須喜提說深般若波羅
蜜者知其承佛神力故若能行是般若波羅
蜜我等當視是人如佛所以者何尊重法故
法者所謂深般若波羅蜜深法者一切法雖

畢竟空而有三乘分別所以者何諸法若畢
竟空更不應修集三乘功德則墮斷滅中若
修三乘功德則是分別差降不應是畢竟空
是般若波羅蜜雖畢竟空而不墮斷滅雖分
別有三乘亦不生著心於二事中不取定相
是事甚深微妙故諸天大歡喜歎言快哉佛
然其讚更說甚深因緣從六波羅蜜乃至一
切種智中佛不可得離此佛亦不可得諸法
和合因緣故有佛無有自性若菩薩能如是
行者當知是菩薩即是佛即是佛者是世界
中語如太子雖未正位必當為王此中佛自
引本事以為證此菩薩已得無生忍入菩薩

位見十方諸佛諸天聞佛廣明已所讚義解
心轉深重復讚歎以見一切法過罪故不取
有利益故不捨又以一切法畢竟空不生不
滅故不取不捨

尔時佛觀四衆和合比丘比丘尼優婆塞優

婆夷及諸菩薩摩訶薩并四天王乃至阿迦

尼吒諸天皆會坐普觀已佛告釋提桓因憍

形 大智度論卷五十六

三

尸迦菩薩摩訶薩若比丘若比丘尼若優婆
塞若優婆夷若諸天子若諸天女是般若波
羅蜜若聽受持親近讀誦為他說正憶念不
離薩婆若心諸天子是人魔若魔天不能得
其便何以故是善男子善女人諦了知色空

空不能得空便無相不能得無相便無作不
能得無作便諦了知受想行識空空不能得
空便乃至無作不能得無作便乃至諦了知
一切種智空空不能得空便乃至無作不能
得無作便何以故是諸法自性不可得無事
可得便誰受惱者復次憍尸迦是善男子善
女人。若人非人不能得其便何以故是善男子善女
人一切衆生中善修慈心悲喜捨心以無所
得故憍尸迦是善男子善女人終不橫死何
以故是善男子善女人行檀波羅蜜於一切
衆生等心供給故復次憍尸迦三千大千世
界四天五天三十三天夜摩天兜率陀天化

樂天他化自在天梵天光音天遍淨天廣果
天是諸天中有發阿耨多羅三藐三菩提心
者未聞是般若波羅蜜未受持親近是諸天
子今應聞受持親近讀誦正憶念不離薩婆
若心復次憍尸迦諸善男子善女人聞是般
若波羅蜜受持親近讀誦正憶念不離薩婆
若心形是諸善男子善女人若在空舍四若在曠
野若人住處終不怖畏何以故是善男子善
女人明於內空以無所得故明於外空乃至
無法有法空以無所得故

大智度論卷五十六

問曰此中佛觀四部衆已何以告釋提桓因
答曰餘品中多說般若波羅蜜體今欲讚般

若功德故命釋提桓因譬如先以好寶示人
然後讚寶所能復次普觀者欲令會中衆生
各知佛願念則不自輕不自輕故堪任聽法
是以普觀譬如王願眎群下群下則欣然自
慶說功德故應以白衣證白衣中釋提桓因
為大說般若者以出家人為證出家人中是
舍利弗須菩提等為大問曰先言釋是字提
桓因是天主今佛何以不言釋乃命言憍尸
迦答曰昔摩伽陀國中有婆羅門名摩伽姓
憍尸迦有福德大智慧知友三十三人共修
福德命終皆生須彌山頂第二天上摩伽婆
羅門為天主三十二人為輔臣以此三十三

人故名為三十三天喚其本姓故言憍尸迦
或言天主或言千眼等大人喚之故稱其姓
此中所說般若波羅蜜者是十方諸佛所說
語言名字書寫經卷宣傳顯示實相智慧何
以故般若波羅蜜無諸觀語言相而因語言
經卷能得此般若波羅蜜是故以名字經卷
形名為般若波羅蜜此中略說佛意若能聞受
大智度論卷五十六
持般若等當得種種功德後當廣說欲度衆
生為得佛道故供養受學般若波羅蜜是人
魔若魔天不能得便問曰何者是魔何故惱
菩薩云何得便答曰摩名自在天主雖以福
德因緣生彼而懷諸邪見以欲界衆生是已

人民雖復死生展轉不離我界若復上生色
無色界還來屬我若有得外道五通亦未出
我界皆不以為憂若佛及菩薩出世者化度
我民拔生死根入無餘涅槃永不復還空我
境界是故起恨讎嫉又見欲界人皆往趣佛
不來師已失供養故心生嫉妬是以以佛菩
薩為怨家是菩薩入法位得法性生身魔雖
起惡不能壞敗若未得阿鞞跋致者魔則種
種破壞若菩薩一心不惜身命有方便求佛
道者十方諸佛及諸大菩薩皆共護持以是
因緣故能成佛道若為菩薩而有懈怠貪著
世樂不能專心勤求佛道是則自欺亦欺十

方諸佛及諸菩薩所以者何自言我為一切
衆生故求佛道而行雜行壞菩薩法以是罪
故諸佛菩薩所不守護魔得其便所以者何
一切聖人已入正位一心行道深樂涅槃魔
入邪位受著邪道邪正相違是故憎嫉正行
狂愚自高喚佛沙門瞿曇佛稱其實名為弊
魔形大智度論卷五十六以相違故名為怨家如經說魔有四種一
者煩惱魔二者五衆魔三者死魔四者自在
天子魔此中以般若力故四魔不能得便得
諸法實相煩惱斷則壞煩惱魔天魔亦不能
其便入無餘涅槃故則壞五衆魔及死魔云
何為得便魔及魔人來恐怖菩薩如經中說

魔作龍身種種異形可畏之像夜來恐怖行者或現上妙五欲壞亂菩薩或轉世間人心令作大供養行者貪著供養故則失道德或轉人心令輕惱菩薩或罵或打或傷或害行者遭苦或生瞋恚憂愁如是等魔隨前人意所趣向因而壞之是名得便如魔品中廣說問曰魔力甚大肉身菩薩道力尚少云何不
得便答曰如上說為諸佛菩薩所護故此中佛自說因緣是人善修諸法空亦不著空不著空者云何當得便譬如魚瘡則不受毒魚相魚作亦如是復次一切法實觀皆是空魚相魚作相皆是空魚相魚作相故則魚得便

亦無受便者是故空不應得空便魚相不應
得魚相便魚作不應得魚作便以一相故如
火不能滅火得水則滅以異相故問曰菩薩
住三解脫門則是受便處與一切法相違故
空與有相違無相與有相相違無作與有作
相違形答曰此經中佛自說三解脫門魚有自
大智度論卷五十六性又先論議中說於空無相魚作中亦不著
是故雖住三解脫門魔及魔民不得其便問
曰餘處皆言菩薩摩訶薩今何以言善男子
善女人答曰先說實相智慧難受以能受故
則是菩薩摩訶薩今說供養受持讀誦等雜難
說故攝得善男子善女人復次經中說女人

有互礙不得作釋提桓因梵王魔王轉輪聖
王佛聞是互礙不得作佛女人心退不能發
意或有說法者不為女人說佛道是故佛此
間說善男子善女人女人可得作佛非不轉
女身也互礙者說一身事善男子善女人義
先已廣說人不得便者人名若賊若官若怨
等欲惱亂菩薩求索其便問曰先說魔不得
便因緣何以但說空今說人不得便但說四
無量心答曰有人言先說魔若魔民怨大故
法亦大故說空怨小故法亦小故說四無量
心有人言四無量心是菩薩常行為集諸功
德故後以般若波羅蜜空相令除邪見不著

衆生亦不著法是二法前後無在後次上魔
作恐怖事甚多不現本形或現雷震或作風
雨或作病痛等是故說諸法空今人來惡口
罵詈刀杖斫故用四無礙心不橫死者所謂
魚罪而死或壽命未盡錯投藥故或不順藥
法或魚看病人或飢渴寒熱等夭命是名橫
死形大智度論卷五十六菩薩從初發意來於一切衆生中常行檀
波羅蜜應病與藥隨病所須拯濟孤窮隨其
所乞皆給與之於一切衆生中悉皆平等好
心供養亦行是般若波羅蜜以是功德故不
橫死是中略說三功德已三千大千世界中
諸天發心未聞般若波羅蜜者先說善男子

善女人應聞受持乃至正憶念今說因緣諸
天有大功德猶尚供養何況於人雖一切人
天應聽般若若能發無上道心者最應深心聽
所以者何般若若佛道之本故問曰此天發
心何以不聞般若答曰有人言此天前世人
中發意今生天上五欲覆心故不聞復次諸
天雖發無上道心五情利五欲妙深著深故
視東忘西不能求般若色界諸天雖先聞法
發心以味著禪定深故不能求般若若故說
不聞者應聞受持復次先說魔及魔天不能
得其便是內因緣所謂空三昧及四無量心
今更說不得便是外因緣所謂佛告諸天汝

等供養受持般若若是善男子善女人亦受持
供養是般若若同事故若魔來破汝應守護復
次受持般若者若在空舍住若在曠野若在
人間住處空舍中多諸鬼魅及以賊竅衆惡
易來故初說除人住處及以空舍餘殘山澤
樹林等皆是曠野少人行故多諸虎狼師子
鬼形賊鬼大智度論五十六人所住處不淨故魔及鬼神九來
諸難少故是以後說行者於三處住無所畏
懼以二因緣故一者善修十八空二者般若
波羅蜜威德故尔時三千大千世界中諸四
天王天三十三天夜摩天兜率陀天化樂天
他化自在天乃至首陀婆諸天白佛言世尊

是善男子善女人能受持般若波羅蜜親近
讀誦正憶念不離薩婆若心者我等常當守
護何以故世尊以菩薩摩訶薩因緣故斷三
惡道斷天人貧窮諸災患疾病飢餓以菩薩
因緣故便有十善道出世間四禪四無量心
四無色定檀波羅蜜尸波羅蜜羸提波羅蜜
毗梨耶波羅蜜禪波羅蜜般若波羅蜜內空
乃至無法有法空四念處乃至一切種智以
菩薩因緣故世間便有生利利大性婆羅門
大性居士大家諸王及轉輪聖王四天王天
乃至阿迦尼咤天以菩薩因緣故有須陀洹
須陀洹果乃至阿羅漢阿羅漢果辟支佛辟

支佛道以菩薩因緣故有成就衆生淨佛世
界便有諸佛出現於世便有轉法輪知是佛
寶法寶比丘僧寶世尊以是因緣故一切世
間諸天及人阿脩羅應守護是菩薩摩訶薩
佛語釋提桓因如是如是憍尸迦以菩薩摩
訶薩因緣故斷三惡道乃至三寶出現於世
形大智度論卷五十六
以是因緣故諸天及人阿脩羅常應守護供養恭
敬尊重讚歎是菩薩摩訶薩憍尸迦供養恭
敬尊重讚歎是菩薩摩訶薩即是供養我以
是故是諸菩薩摩訶薩諸天及人阿脩羅常
應守護供養恭敬尊重讚歎憍尸迦若三千
大千世界滿中聲聞辟支佛譬如竹葦稻麻

叢林若有善男子善女人供養恭敬尊重讚歎不如供養恭敬尊重讚歎初發心菩薩摩訶薩不離六波羅蜜所得福德何以故不以聲聞辟支佛因緣故有菩薩摩訶薩及諸佛出現於世以有菩薩摩訶薩因緣故有聲聞辟支佛諸佛出現於世以是故憍尸迦是諸菩薩摩訶薩一切世間諸天及人阿脩羅常應守護供養恭敬尊重讚歎釋曰爾時諸天白佛我等當守護是菩薩與我等同事故亦以求佛道者能自捨身樂欲使一切衆生得樂故因菩薩斷三惡道者菩薩雖未離欲能遮衆生十不善故斷三惡道及天人貧窮諸

灾患等行十善故開三善道門或有菩薩見
五欲罪過能離欲得四禪以本願故起四無
量心欲離種種因緣身苦故起四無色定為
佛道故修六波羅蜜乃至一切種智是法亦
自行亦教人以是福德道法於衆生中展轉
相教常在世間今當說是諸善法果報生利
形 大智度論卷五十六利大姓乃至三寶出現於世如先義中十一說今
是菩薩結業生身在因緣中無有力勢而能
說是善法令衆生修行我等云何當不守護
譬如太子雖小群臣百官無不奉承佛可諸
天述而成之若供養菩薩即是供養佛者般
若是三世佛母若為般若供養菩薩則為供

養佛不如供養恭敬初發意菩薩者問曰二
乘已證實際是一切衆生福田何以故不如
初發意菩薩答曰以三事故不如一者用薩
婆若心行二者常不離六波羅蜜等諸功德
三者由是菩薩斷三惡道出生三乘依二乘
人不能斷三惡道出生三乘

大智度釋論滅諍品第三十一

尔時釋提桓因白佛言世尊甚奇希有諸菩
薩摩訶薩從般若波羅蜜若聞受持親近讀
誦為他說正憶念時得如是今世功德亦成
就衆生淨佛世界從一佛界至一佛界供養
諸佛所欲供養之具隨意即得從諸佛聞法

至得阿耨多羅三藐三菩提終不中忘亦得
家成就母成就生成就眷屬成就相成就光
明成就眼成就耳成就三昧成就陀羅尼成
就是菩薩以方便力變身如佛從一佛界至
一佛界到無佛處讚檀波羅蜜乃至般若波
羅蜜讚四禪四無量心四無色定讚四念處
乃至十八不共法以方便力說法以三乘法
度脫衆生所謂聲聞辟支佛佛乘世尊快哉
希有受是般若波羅蜜為以摠攝五波羅蜜
乃至十八不共法亦攝須陀洹果乃至阿羅
漢果辟支佛道佛道一切智一切種智佛告
釋提桓因如是如是憍尸迦受是般若波羅

形

大智度論卷五十六

十二

蜜為已摠攝五波羅蜜乃至一切種智復次
憍尸迦是般若波羅蜜受持親近讀誦為他
說正憶念是善男子善女人所得今世功德
汝一心諦聽釋提恒因言唯世尊受教佛告
釋提桓因憍尸迦若有外道諸梵志若魔若
魔民若增上慢人欲乖錯破壞菩薩般若波
羅蜜心是諸人適生此心即時滅去終不從
願何以故憍尸迦菩薩摩訶薩長夜行檀波
羅蜜行尸羅羸提毗梨耶禪般若波羅蜜以
衆生長夜貪諍故菩薩悉捨內外物安立衆
生於檀波羅蜜中以衆生長夜破戒故菩薩
悉捨內外法安立衆生於戒以衆生長夜闢

諍故菩薩悉捨內外法安立衆生於忍辱以
衆生長夜懈怠故菩薩悉捨內外法安立衆
生於精進以衆生長夜亂心故菩薩悉捨內
外法安立衆生於禪以衆生長夜愚癡故菩
薩悉捨內外法安立衆生於般若波羅蜜以
衆生長夜為愛結故流轉生死是菩薩摩訶
薩形以方便力斷衆生愛結安立於四禪十三四無
量心四無色定四念處乃至八聖道分空無
相無作三昧安立衆生於須陀洹果乃至阿
羅漢果辟支佛道佛道憍尸迦是為菩薩摩
訶薩行般若波羅蜜得現世功德後世功德
得阿耨多羅三藐三菩提菩薩轉法輪所願

滿足入無餘涅槃憍尸迦是為菩薩摩訶薩
後世功德復次憍尸迦善男子善女人是般
若波羅蜜若聞受持親近讀誦為他說正憶
念其所住處魔若魔民若外道梵志增上慢
人欲輕毀難問破壞般若波羅蜜終不能成
其人惡心轉滅功德轉增聞是般若波羅蜜
故漸以三乘道得盡眾苦譬如憍尸迦有藥
名摩祇有蛇飢行索食見虫欲噉虫趣藥所
藥氣力故蛇不能前即便還去何以故是藥
力能勝毒故憍尸迦摩祇藥有如是力是善
男子善女人是般若波羅蜜若受持親近讀
誦為他說正憶念若有種種闍諍起欲來破

壞者以般若波羅蜜威力故隨所起處即疾
消滅其人即生善心增益功德何以故是般
若波羅蜜能滅諸法諍亂何等諸法所謂婬
怒癡無明乃至大苦聚諸蓋結使纏我見人
見衆生見斷見常見垢見淨見有見無見如
是一切諸見慳貪犯戒瞋恚懈怠亂意無智
形大智度論卷五十六
常想樂想淨想我想如是等愛行著色著受
想行識著檀波羅蜜尸波羅蜜羸提波羅蜜
毗梨耶波羅蜜禪波羅蜜般若波羅蜜著內
空外空內外空乃至無法有法空著四念處
乃至十八不共法著一切智一切種智著涅
槃是一切法諍亂盡能消滅不令增長

釋曰聞者若從佛若菩薩若餘說法人邊聞
般若波羅蜜是十方三世諸佛法寶藏聞已
用信力故受念力故持得氣味故常來承奉
諮受故親近親近已或看文或口受故言讀
常為得不忘故誦宣傳未聞故言為他說聖
人經書直說難了故解義觀諸佛法不可思
議有大悲於衆生故說法不以邪見戲論求
佛法如佛意旨不著故說法亦不著除四顛
倒等諸邪憶念故住四念處正憶念中但說
得道故不為戲論名為正憶念正憶念是一
切善法之根本修習行者初入名為正憶念
常行得禪定故名為修今世功德者如先說

義今釋提桓因更說今世功德所謂教化衆
生乃至令衆生得三乘先說般若波羅蜜攝
三乘令解其義是故言般若波羅蜜中攝五
波羅蜜乃至一切種智佛可其所說者欲令
人信故所得今世功德汝一心諦聽者上略
說今世功德佛今欲廣說其事難信持故言
一心形諦聽大智度論卷五十六復次因小果大難信故言一心十五諦
聽帝釋雖信受人不知故言唯世尊是般若
波羅蜜雖不可破壞而宣示實相語言可破
語言破故信心未定者亦可破是故說若外
道梵志等來欲破壞般若波羅蜜梵志者是
一切出家外道若有承用法者亦名梵志梵

志愛著其法聞實相空法不信故欲壞魔若
魔民如先說增上慢人者是佛弟子得禪定
未得聖道自謂已得是人聞無須陀洹乃至
無阿羅漢無道無涅槃便發增上慢生忿怒
心欲破是實相空法是般若波羅蜜神力故
令彼惡心即時滅去終不成願如人以手障
鉞但自傷其手鉞無所損何以故菩薩於內
外法不著衆生從無始世界來常著內外法
故起闍諱菩薩捨內外著處自安立六波羅
蜜教化衆生令捨內外闍法安立衆生於六
波羅蜜是無量世修集福德力闍諱根盡故
雖有闍亂事來不能得便譬如毒蛇欲食蝦

墓常隨逐之蝦蟇到摩祇藥所蛇聞藥氣毒
即消歇是壞法惡人亦復如是欲壞行般若
波羅蜜人常隨逐之以般若力勢故瞋恚邪
見之毒即時消滅有降伏得道者有作弟子
者有復道還去者是般若波羅蜜能破無明
等諸結使滅諸斷常邪見等能滅著五衆乃
至涅槃形大智度論卷五十六何況瞋恚嫉妬鬪亂之事而十六不能滅
復次憍尸迦三十大千世界中諸四天王諸
釋提桓因諸梵天王乃至阿迦尼咤天常守
護是善男子善女人能受持供養讀誦為他
說正憶念般若波羅蜜者十方現在諸佛亦
共擁護是善男子善女人能聞受持供養讀

誦為他說正憶念般若波羅蜜者是善男子
善女人不善法滅善法轉增所謂檀波羅蜜
轉增以無所得故乃至般若波羅蜜轉增以
無所得故內空轉增乃至無法有法空轉增
以無所得故四念處乃至十八不共法轉增
以無所得故諸三昧門諸陀羅尼門一切智
一切種智轉增以無所得故是善男子善女
人所說人皆信受親友堅固不說無益之語
不為瞋恚所覆不為憍慢慳貪嫉妬所覆是
人自不殺生教人不殺讚不殺生法亦歡喜
讚嘆不殺生者自遠離不與取亦教人遠離
不與取讚遠離不與取法亦歡喜讚嘆遠離

形 大智度論卷五十六

不與取者自不邪淫教人不邪淫讚不邪淫
法亦歡喜讚歎不邪淫者自不妄語教人不
妄語讚不妄語法亦歡喜讚嘆不妄語者兩
舌惡口無利益語亦如是自不貪教人不貪
讚不貪法亦歡喜讚嘆不貪者不瞋惱不邪
見亦如是自行檀波羅蜜教人行檀波羅蜜
讚行檀波羅蜜法亦歡喜讚嘆行檀波羅蜜
者自行尸羅波羅蜜教人行尸羅波羅蜜讚
尸羅波羅蜜亦歡喜讚歎行尸羅波羅蜜者自
行羸提波羅蜜教人行羸提波羅蜜讚羸提
波羅蜜亦歡喜讚嘆行羸提波羅蜜者自行
毗梨耶波羅蜜教人行毗梨耶波羅蜜讚毗

黎耶波羅蜜亦歡喜讚嘆行毗黎耶波羅蜜
 者自行禪波羅蜜教人行禪波羅蜜讚禪波
 羅蜜亦歡喜讚嘆行禪波羅蜜者自行般若
 波羅蜜教人行般若波羅蜜讚般若波羅蜜
 亦歡喜讚嘆行般若波羅蜜者自修內空教
 人修內空讚內空亦歡喜讚嘆修內空者乃
 至自修無法有法空教人修無法有法空讚
 無法有法空亦歡喜讚嘆修無法有法空者
 自入一切三昧中教人入一切三昧中讚一
 切三昧亦歡喜讚嘆行一切三昧者自得陀
 羅尼教人得陀羅尼讚陀羅尼亦歡喜讚嘆
 得陀羅尼者自入初禪教人入初禪讚初禪

亦歡喜讚嘆入初禪者二禪三禪四禪亦如
 是自入慈心中教人入慈心中讚慈心入亦歡喜
 讚嘆入慈心者悲喜捨心亦如是自入無邊
 空處教人入無邊空處讚無邊空處亦歡喜
 讚嘆入無邊空處者無邊識處無所有處非
 有想非無想處亦如是自修四念處教人修
 四念處形讚四念處大智度論卷第六亦歡喜讚嘆修四念處者法
 四正勤四如意足五根五力七覺分八聖道
 分亦如是自修空無相無作三昧教人修空
 無相無作三昧讚空無相無作三昧法亦歡喜
 讚嘆修空無相無作三昧者自入八解脫中
 教人入八解脫讚八解脫亦歡喜讚嘆入八

解脫者自入九次第定中教人入九次第定
讚九次第定亦歡喜讚嘆入九次第定者自
修佛十力四無所畏四無礙智大慈大悲十
八不共法亦如是自行不謬錯法自行常捨
法教人行不謬錯法常捨法讚不謬錯法常
捨法亦歡喜讚嘆行不謬錯法常捨法者自
得一切種智教人得一切種智讚一切種智法
亦歡喜讚嘆得一切種智者是菩薩摩訶薩
行六波羅蜜時所有布施與衆生共已迴向
阿耨多羅三藐三菩提以無所得故所有持
戒忍辱精進禪定智慧與衆生共已迴向阿
耨多羅三藐三菩提亦以無所得故是善男

子善女人如是行六波羅蜜時作是念我若
 不布施當生貧窮家不能成就衆生淨佛世
 界亦不能得一切種智我若不持戒當生三
 惡道中尚不得人身何況能成就衆生淨佛
 世界得一切種智我若不修忍辱則當諸根
 毀壞色不具足不能得菩薩具足色身衆生
 見者必至阿耨多羅三藐三菩提亦不能得
形 大智度論卷五十六
 以具足色身成就衆生淨佛世界得一切種
 智我若懈怠不能得菩薩道亦不能得成就
 衆生淨佛世界得一切種智我若亂心不能
 得生諸禪定不能以此禪定成就衆生淨佛
 世界得一切種智我若無智不能得方便智

以方便智過聲聞辟支佛地成就衆生淨佛
世界得一切種智是菩薩復作是思惟我不
應隨慳貪故不具足檀波羅蜜不應隨犯戒
故不具足尸羅波羅蜜不應隨瞋恚故不具
足羸提波羅蜜不應隨懈怠故不具足毗梨
耶波羅蜜不應隨亂意故不具足禪波羅蜜
不應隨癡心故不具足般若波羅蜜若不具
足檀波羅蜜尸羅波羅蜜羸提波羅蜜毗梨
耶波羅蜜禪波羅蜜般若波羅蜜我終不能
出到一切種智如是善男子善女人是般若
波羅蜜受持親近讀誦爲他說正憶念亦不
離薩婆若心得是今世後世功德釋提桓因

白佛言世尊希有是菩薩摩訶薩般若波羅
 蜜為迴向薩婆若故亦為不高心故佛告釋
 提桓因憍尸迦云何菩薩摩訶薩般若波羅
 蜜為迴向薩婆若心故亦為不高心故釋提
 桓因白佛言世尊菩薩摩訶薩若行世間擅
 波羅蜜布施諸佛辟支佛聲聞及諸貧窮乞
形 大智度論卷五十六
 丐行路人是菩薩無方便放生高心若行世
二十
 間尸波羅蜜言我行尸波羅蜜我能具足
 尸波羅蜜無方便放生高心言我行羸提
 波羅蜜毗梨耶波羅蜜禪波羅蜜我行般若
 波羅蜜我修般若波羅蜜以是世間般若波
 羅蜜無方便放生高心世尊菩薩修世間四

念處時自念言我修四念處我具足四念處
 無方便力放生高心我修四正勤四如意足
 五根五力七覺分八聖道分自念言我修空
 無相無作三昧我修一切三昧門當得一切
 陀羅尼門我修佛十力四無所畏十八不共
 法我當成就衆生我當淨佛世界我當得一
 切種智著吾我無方便力放生高心世尊如
 是菩薩摩訶薩行世間善法著吾我放生高
 心世尊若菩薩摩訶薩行世間檀波羅蜜
 不得施者不得受者不得施物如是菩薩摩
 訶薩行出世間檀波羅蜜為迴向薩婆若故
 亦不生高心行尸羅波羅蜜尸羅不可得行

羸提波羅蜜羸提不可得行毗梨耶波羅蜜
 毗梨耶不可得行禪波羅蜜禪不可得行般
 若波羅蜜般若不可得修四念處四念處不
 可得乃至修十八不共法十八不共法不可
 得修大慈大悲大慈大悲不可得乃至修一
 切種智一切種智不可得世尊如是菩薩摩
 訶薩形大智度論卷五十六般若波羅蜜為迴向薩婆若故亦為不
 生高心故問曰先已說魔若魔民等三種人
 欲破壞般若今何以故重說答曰佛先說三
 種人來求便恐怖欲令愁惱中來者不為惱
 人但欲破毀般若波羅蜜不隨其願不能得
 破後來三種人雖欲生心破壞即時滅去所

語人皆信受者是菩薩常令不善法斷滅善
法輪增所謂檀波羅蜜乃至一切種智是人
修集福德智慧故成大威德設使妄語人皆
信受何況實語親友堅固者是人於一切衆
生中深有慈悲心何況親友於我益是菩薩
愛敬佛道知身口無常故不說無益之言以
善法增長故瞋恚等煩惱不能覆心行者作
是念結使雖起智慧思惟不令覆心結使若
起今世不善後世不善妨於佛道設使心起
結使不起口業設口業起不成身業設身業
起不至大惡如凡夫人是菩薩雖復卑陋鄙
賤以行勝法故得在勝人數中是今世功德

是人深樂善法故能於善法四種正行求二。
 乘人不能具足四行以不深樂善法故所謂
 自不殺生慈悲一切深自利故亦不教他慈
 是一切賢聖法故常讚嘆是菩薩常欲令人
 得樂故見有不殺者歡喜愛樂乃至一切種
 智亦如是上四種行廣說今略說功德摠攝
 入六波羅蜜中所得果報與衆生共之是菩
 薩未入正位諸煩惱未盡故或時起慳等諸
 煩惱尔時應作是思惟諫喻其心若不布施
 我自失四事功德所謂後身生貧窮貧窮故
 自不能利益何能利他若不利他則不能成
 就衆生不能成就衆生亦不能淨佛世界何

形 大智度論卷五十六

丈二

以故以衆生淨故世界清淨若不具足是等
衆事云何當得一切種智以要言之無方便
者雖行六波羅蜜內不能離我心外取諸法
相所謂我是施者彼是受者布施物是因緣
故不能到佛道與此相違是有方便問曰若
世間波羅蜜等非是正道是般若波羅蜜中
佛何以說答曰此是行者初門與正道相似
故先行相似法得後真道

大智度論釋卷第五十六

形

輒侈

上步迷反
下昌休反

憊

蒲拜反

𦉳

正作𦉳
音面

𦉳

於小

魅

眉二

窳

若疾

𦉳

息淺

羣

上鳥鬼反

適

詩

𦉳

𦉳

鋒 音
年 音
蝦 音
墓 音
二 音
字 音
麻 音
歆 音
許 音
謁 音
句 音
蓋 音

形 大智度論卷五十六



山城國綴喜郡新村

靈瑞山剛恩菴沙門宗桂書寫之

中三

